

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KTPO 0054760 25
Zenica, 04.09.2026. godine**

**OPĆINSKI SUD U ZENICI
-Sudiji za prethodno saslušanje-**

Na osnovu člana 45. stav 2. tačke h) i i) u vezi sa članovima 241. stav 1. i 350. stav 1. Zakona o krivičnom postupku FBiH (ZKP FBiH), podižem

O P T U Ž N I C U

Protiv osumnjičene:

A.H., neosuđivana,

Zbog postojanja osnovane sumnje da je:

Dana 19.08.2023. godine, u Z., radeći kao uposlenica sportske kladionice „S.“ d.o.o. N. na poslovima operatera za unos podataka u Poslovnici Z. koja se nalazi u ulici ..., a na kojim poslovima je temeljem člana 4. zaključenog ugovora o radu od 20.07.2023. godine bila ovlaštena da evidentira (ukucava) kladioničke tikete uz osiguranje tačnosti i pravovremenosti unosa podataka u računar, vrši prijem uloga od igrača, isplaćuje dobitke igračima iz blagajne, uredno vodi blagajnu, na koji način su joj blagajna i tehnička oprema za finansijsko poslovanje bili povjereni na radu u sporskoj kladionici „S.“ d.o.o. N., koristeći se navedenim ovlaštenjem i postupajući s ciljem da sebi pribavi protivpravnu imovinsku korist, a suprotno članu 36. stav 2. tačkama 3, 4. i 5. Pravilnika o radu sportske kladionice „S.“ d.o.o. N. koji propisuje da poslodavac može otkazati ugovor o radu ako utvrdi da uposlenik počinji specifičnu povredu radnih obaveza poput neovlaštenog raspolaganja novcem iz blagajne, vršenja uplata ličnih kladioničkih uloga za vrijeme radnog vremena i evidentiranja (ukucavanja) kladioničkih tiketa bez zaprimanja novca u blagaju, u toku radnog vremena igrala igre na sreću koje su bile u ponudi kladionice na način da je evidentirala (ukucavala) i štampala kladioničke tikete za koje istovremeno nije uplaćivala uloge u vidu novca u blagajnu, pa je na taj način vrijednost uloga u vidu novca koji je bila dužna uplatiti u blagajnu, prisvojila za sebe, sve vrijeme svjesna da prisvajanjem vrijednosti uloga sebi pribavlja protivpravnu imovinsku korist i istovremeno čini štetu po privredno društvo „S.“ d.o.o. N., što je i htjela, na koji način je sebi pribavila protivpravnu imovinsku korist u ukupnom iznosu od 1.238,21 KM na ime vrijednosti neuplaćenog uloga u blagajnu za odigrane igre na sreću za koji iznos je istovremeno oštetila privredno društvo „S.“ d.o.o. N.,

Dakle, s ciljem da sebi pribavi protivpravnu imovinsku korist prisvojila novac u vidu vrijednosti uloga koji joj je povjeren u radu u instituciji Federaciji

Čime bi počinila krivično djelo pronevjera u službi iz člana 384. stav 1. Krivičnog zakona Federacije Bosne i Hercegovine